

ياقلبي ليه بتكذب !؟

ياقلبي ليه بتكذب عليّ ووهمتني إنك نسيته
زرعت ليه الحُزن فيّ وسيبتني بدمي رويته
ولما ضاع عمري ضحية أنت بس اللي جنيته
النهارده دموع عينيّه ندمانة عالي ف يوم هويته

ياقلبي ليه بتكذب عليّ ووهمتني إنك نسيته

ياقلبي دقاتك آهات بتبكي علي عمري اللي فات
وف صمت بتعيد ذكريات أغلي حُب زمان طويته
بِذاري عني ليه هُمومك أنا بعاتبك مش بالومك
دا اللي باعك عاش بدونك وانت عُمرَك ماشتكيته

ياقلبي ليه بتكذب عليّ ووهمتني إنك نسيته

ياقلبي أحزانك داريها لانا ولانت قادرين عليها
هو انت فاكُرُه حايس بيها حتي لو دموعك ناديته
إنساه ياقلبي ولوساعات أروح واقوله حُبّه مات
واللي باقي ذكريات وأهو جرح كان وخلص داويته

ياقلبي ليه بتكذب عليّ ووهمتني إنك نسيته